

ՆԱՄԱԿՆԵՐ, ՆԿԱՏՈՂՈՒԹՅՈՒՆՆԵՐ — ПИСЬМА, ЗАМЕТКИ —

ՆԱՄԱԿ ԽՄԲԱԳՐՈՒԹՅԱՆ

Ի՞նչ եղբայրակից ժողովուրդների հետ միասին վերջին տարիներս բուռն սլատմական զարգացման շրջան ապրող հայ ժողովրդի հոգևոր նվաճումներից է «Պատմա-բանասիրական հանդես»-ը: Նոր կյանք ստեղծող հայ ժողովուրդը «Հանդես»-ի էջերում վեր է հանում իր այսօրվա և անցյալի հուզող հարցերը և այդպիսով իր շուրջը հավաքում նաև սփյուռֆահայ պատմա-բանասիրական միտքը:

Ավելի է իրականում հաստատվում այն նշմարտությունը, որ հորհրդային Հայաստանն է աշխարհով մեկ ցրված բոլոր հայերի հայրենիքը:

Այդ իմաստով միանգամայն զովելի է սփյուռֆահայ լավագույն գիտնականների հոդվածների հրապարակումը «Հանդես»-ի էջերում:

Դա նաևապարհ պետք է հարրի սփյուռֆահայ առաջադեմ գիտնականների առանձին երկերի հրատարակմանը հորհրդային Հայաստանում:

Ցանկալի է «Հանդես»-ի համարներում տեսնել սփյուռֆահայ գիտնականների պատմա-բանասիրական երկերի ցանկը:

Պետք է ավելի խոր կերպով «Հանդես»-ի հոդվածներում միս և արյուն ստանա գիտական օբյեկտիվությունը: Երևույթների խորքը քափանցելու, փաստերի ազնիվ և բարեխիղճ իմացության վրա հիմնված տեսական ընդհանրացումներ կատարելու ունակությունը պետք է ավելի խորապես քափանցի և այսօրվան, և՛ անցյալին նվիրված հոդվածներում:

Վիճելի է հոդվածների դասակարգումը ըստ «Հանդես»-ի առաջին երկու բաժինների («Հոդվածներ» և «Հաղորդումներ»): «Հաղորդումներ» բաժնում շատ հաճախ տեղավորվում են հոդվածներ, իսկ «Հոդվածներ» բաժնում՝ հաղորդումներ:

Ցանկալի է, որ «Հանդես»-ը ևս, «Տեղեկագրի» նման, լույս բնծայի նաև տպագրված հոդվածների առանձնատիպերը:

Ամբողջ հոգով «Հանդես»-ին ցանկանում եմ սորանոր հաջողություններ հայ պատմաբանասիրական, ինչպես նաև փիլիսոփայական և գեղագիտական մտքի զարգացման ասպարեզում:

ՄԱՐՏԻՐՈՍ ՍԱՐՅԱՆ
Անհիլան մրցասակի լուրեհատ,
ՍՍՍՄ ժողովրդական եկարիչ: